



4

2020

6+

Нюр



ISSN 0207-16543

ГАГАРИННИ ЖУЛДУЗУ

Ол кюн эм кеп айтылган сөз – «Гагарин», «Космос», «Совет Союз» дуняны башында кыралланы адамларыны жашауларына кирип кыалган эдиле. Ёмюрлеге.

Аламгъа(космосха) чыкыган биринчи жигит – Юрий Алексеевич Гагаринни аты, кыарап-кыарагынычы жер башына жайылып кыалады.

Батыр космонавт салган жол бла, Совет алимле, аланы санында уа, таулу жаш Энейланы Тимур этген келишиуле эмда бизде чыгыарылган жангы космос кемеле, бютюнда бийикде, бютюнда кеп айланып башлаган эдиле.

Ол кюнден бери жюзле бла спутникле бюгюн-бюгече да адам улусуна кыуллукъ этип турадыла.

Жерни суратын алдырыгъа, магыадан излерге, не узакъ жерледе да телевизоргъа кыарарча онгла

да ол спутниклени хайыры бла этиледиле.

Космос халкыгъа бюгюн-бюгече да кыуллукъ этеди. Планетала аралы станцияла Чолпан жулдузгъа шош кыонуп, андан суратла ийгенлери уа сейир туююлмюдю!

Юй кибик уллу станциялада жигит космонавтла кеп айланы ишлеп, жашап, тюрлю-тюрлю сынамла бардырадыла. Алай космонавтларыбыз не кеп учсала да, не кыйын ишлени тамамлап келселе да, ызларына кыайытханда, Гагаринни эсгертмесине барып, гюлле салмагъанлай кыоймайдыла.

Бюгюн-бюгече да биринчи болуп аламгъа чыкыган Гагаринни жулдузу жангы жигитлени жангы бийиклеге итиндиреди.

«НЮР».



Геграланы Дамир 1 класс

НАРТ ЁРЮЗМЕК КЁКГЕ ТОП ИЧИНДЕ УЧХАН ЭДИ, ГАГАРИН ДА ТОП ИЧИНДЕ КЪАЙЫТХАНДЫ ЖЕРГЕ

Адам баласы жаратылгъанлы, кёкге чыгъаргъа термиле жашагъанды. Кёкге, айгъа, кюннге, жулдузлагъа къарай, къанатлылагъа сукълана. Адам улуну барына бирден берилген бир умутча, кёк аллай бир зат эди. Кесине чакъырып тургъан. Да, аз-аздан кёкге ёрлей да башлады. Къуш къанатла бла учуп да кёрдю. Темир къанатла да этди. Къанатсыз учуп да кёрдюле. Алай умут умутлай къала эди.

«Гъаршха – космосха чыгъар ючюн ракета къурагъандан башха амал жокъ эди», – бу сёзле таулу алимни сёзлеридиле. Энейланы Тимурну. Ол алыкъа жаш эди. Жаш болса да, баш боллугъун Москва университетде окъуй тургъан чагъында Сергей Павлович Королёв эслейди. Тимурну терен билимине сагъаяды. Кеси ишлеген бёлюмге алады.

Королёв да, башха бири да гъаршха – космосха – ракета учурала эдиле. Сынап да кёрдюле. Алай ракета бла адам



учурабыз деселе, аны артха къалай къайтарыргъа боллугъун а билалмай эдиле. Ол амалны Тимур табады.

Нарт таурухланы окъуп, андан билген болур эди дерча да туююл эди. Сабийликден Москвада ёсген эди. Нартла – къайда, ол – къайда!!! Нарт таурухлада айтылады Къызыл Фук, кёкге учуп кетип, анда мияла къала ишлеп, Ёрюзмекден анда букъгъаны. Нартла, Ёрюзмекни Къызыл Фукга – кёкге, гъаршха, космосха – чыгъарыр ючюн топ ишлейдиле. Нартны ары чыгъарлыкъ «ракетагъа» топ деп атайдыла. Эшта, топ маталлы болур эди да. Тимур да, не сейир-аламат, космосха учарыкъ адамны топ бла къайтарыргъа боллугъун билип, топ ишлетгенди. Ма ол топ.


Космосха учханла бары да ма быллай топну ичинде къайтадыла Жерге.

«Малкъар халкъ бош халкъ туююлдо. Ол адам улугъа Энейланы Тимурну бергенди. Американлыла да, биз да бююнлюкде космосха аны хайырындан учабыз». Совет Союзну эки кере Жигити, лётчик-космонавт Георгий Михайлович Гречко бу сёзню бош айтмагъанды.

Ойланырча шартды да!..



Темиржанланы Алима 1 класс



ЁЛМЕЗЛАНЫ Мурадин

ТАУЛУ ЖАШЧЫКЪНЫ ЖЫРЧЫГЪЫ

Таулчукъма, эйра, мен
Бек жигит жашчыкъма.
Уллугъа хурмет этген
Бир женгил къушчукъма!

Мен таулу жашчыкъма, хау.
Къоркъмайма жукъдан да!
Журтумда азат жашау
Дайым зауукъданды!

Мен таулу жашчыкъма, тау
Тарында жашайма.

Этмесин киши да дау:
Мен нартха ушайма!

Мен – батыр! Аны ючюн
Тау тарда жашайма,
Эт, айран, сохта, хычин,
Жалбауур ашайма!

Таулчукъма мен, окъуп
Кёп билим аллыкъма.
Мен артха турмам къоркъуп
Космонавт боллукъма!

ШУЁХЛА

Къоншу юйледе жашагъан Бойнакъ бла Кишиу, башха итле бла киштикле ча болмай, татлы шуёхладыла.

Бир кюн Кишиу, мудахчыкъ да болуп, жюн гулмакчыкъгъа ушаш, къабакъдан тышында иелери олтуруучу узун шинтикни къыйырында олтуруп тургъанынлай, алайгъа Бойнакъ да келди. Шуёхчугъуну халын жаратмай:

– Кишиу, нек былай мудахса? Ким тийгенди жанынга? – деп сорду, ол ким болса да, аны пара-чара этип къояргъа хазыр кёл алып.

– Къабакъларыны аллында Кочулай жатып тура эди да, мен саламлашайым деп, къатына баргъанымлай, тишлерин эришиле ачып, огъурсуз гъырылдады да, мен а бир бек къоркъдум... – деп тарыкъды, сора: – Сен да, ачыулансанг, алай огъурсузму боллукъса? Аныча... – деп, бютюн бек мугурайды.

Анымы эшитди Бойнакъ, – къуулуп кетип, бир кесекден къулагъын да жыртдырып къайытды. Болсада, ёхтемлигин аз да кем этмей:

– Къоркъма, энди ол Кочулай эсе да, не эсе да, къараргъа да базынырыкъ тюйюлдю сени жанынга, – деп жапсарды шуёхчугъун, – алай бу жолдан сора башха итлени къатларына бара турма, охому, Кишиу? – деп, жумшакъ эсгертирге да унутмады.

Кишиу Бойнакъгъа бек ыразы болду, жарыды. Сора, шинтикден женгил секирип тюшдю да, жигит шуёхуна айланып:

– Сен кетмей тур. Мен а, барып, аначыгъымы къууандырып келейим, ансы ол къуруда: «Бойнакъ итди, сен аны къатына бара турма, ачыуланган заманында бир хата этер да къояр», – дегенлей турады, – деп, арбазгъа къууанчлы ташайып кетди.



КЪЫЛ КЪОБУЗЧУ АЙЫУ

– Оллахий, ол бюгюн мен кѳргенни адам кеси кѳзю бла кѳрсе да ийнанмаз, – деп башлады Юсюп хапарын. – Эрттенликден окъуна, атны Ачы гараны ѳрге жанында кишенлеп... сол жаныма шош бурулуп къарасам, къар юзюлюп сындыргъан терекни адам бийиклиги тенгли бир тюкгючню къатында бир мазаллы айыу!.. Айыу, терек тюкгючню жаркъасына тырнагъын илиндирип, кесине тартды да, артха жиберди. Жаркъа базыкъ жия къобуз таууш этди.

Айыу, макъамгъа тынгылап туруп, ол бошалгъанлай, тырнагъын биягъы жаркъагъа илиндирип, биягъы жия къобуз таууш этдирди. Алай эте, «жия къобузну» сокъгъанына тынгылай иги кесек турду да, сора, къол ичине энип, кѳзден таша болду...

Ол кюн къалып, экинчи кюн, къош аллында сыртдан гузаба этип, Юсюп: «Атангы жаны ючюн, терк, былай бир жет!» – деп къычырды. Мен къатына жетгенлей, къолума кѳзюлдюреуюкню берип: «Ол къар юзюлген чатны жолгъа жетген мюйюшюне бир къарачы!» – деди. Къарасам, тюз Юсюп айтханча, – бир бѳкем айыу. Жаркъаны жия тауушун эшитмесем да, ал табаны тюккючде ойнагъанын кѳреме...

Кюн сайын, сохта дерсге жюрюгенча, кеч къалмай, тюкгючге келип, жаркъа бла ойнап эрикгенден сора уа, келген жолу бла къол ичине тюшюп кете эди.

Бир кюн къошда Сейит согъаргъа кюрешиучю эски къыл къобузну да дынгырдата тургъанымлай, Юсюп, бир кесек тырман этип: «Алан, керти да ол жаркъа бла ойнагъан айыу кибик, не ишинг-кючюнг болмай къалгъанса?!» – деди. Юсюпню бу тырманына кѳлкъалды да болмадым, алай эсеме уа бир хыйла акъыл тюшдю.

Ол кюн да кетеди. Аны экинчи кюннюнде, къыл къобузну да алып, тюкгюч къатына келеме. Энди уа келир заманы бола болур деген кезиуге тюк-



кючден узакъ болмай бир терекни баш бутагына орналама. Келмей къалады деп, ичими къоркъуу ала башлагъанлай, айыу, тойча' чапыракъланы эки жанына аудура, къол ичинден чыгып, мени таба айланды. Кёп мычымай, заба тюклери да зыр-зыр эте, кеси да эки жанына аунай, тюккюч къатына жетди. Асыры шыбыртсыз тургъанымдан, тегерекде чибин учханы окъуна эшитиле эди. Не эсе да уллу ышанмакълыгы болмагъанча, тюккюч къатында мени аякъ ызымы да ийисгеп, жыйы тута, бурунун да ёрге созуп, тимискелеп, тюккюч жаркъагъа тырнагъын илиндирип, тартып жиберди. Тегерекге иги эшитиле, базыкъ жия таууш чыкъды. Жаркъаны бир-эки кере да алай туууш этдиргенлей, къыл къобузну дынгырдатдым. Айыу, кеси макъам чыгъаргъанын къоюп, шыбыртсыз, къыл къобузгъа къулакъ салды. Бир кесекден сокъгъанымы тохтама. Алайынлай айыу, мен минген терекге къапланып, ачы ёкюрюп, терекни силкиндирип, мени терекден атаргъа аздан къояды. Эки аягъымы да терекге чырмашдырып, амалсыздан къыл къобузну согъуп башладым.

Айыу биягъы шыбыртсыз болады. Бир кесек сагъайып, тегерегине къарап, къымылдагъан зат да этмей, макъам ангылагъан адам фахмулу музыкантха тынгылагъанча тынгылай эди. Тохтар умут этсем, ол да биягъы терекни силкиндири. Мен да амалсыздан согъуп... Асыры арыгъандан онгум къуруп, базыкъ бут этлерим талчыгып, терек башында къалай тургъанымы кесим да билмейме. Мен угъай, айыу кеси да арып, терек тюрюнде узунлады. «Ыхы, Аллахха шукур, жукълагъан болур, энди кесим да бир кесек солуюм!» – дегенлей, биягъы ёкюрюп, терекге жабышып тохтады. Не этерик эдим – жангыдан согъуп башлайма... Бармакъ учларым асыры ауругъандан, терекден бир бутакъчыкъ сындырып, къобузуму аны бла дынгырдатыргъа кюрешеме.

Къалай эсе да, Аллахны болушур кезиую болур эди, узакъда, тумандача, эки атлы эслейме. Къычырыкъ-хахай этип башлайма.

Айыу, «концертни» аягъы къаугъа бла бошаллыгъын ангылагъанча, мени тохтаусуз согъа тургъаныма да къарамай, терк окъуна агъачха ташайды...




«НЮР» 2-чи ШК

Университетни бошай туруп, окъуун иш юсюнде сынаргъа деп, беш-алты айгъа аны бизни школгъа жиберген эдиле. Алыкъа устазлыкъ сынауу жокъ эди. Кеси тилеп, бек «къарыусуз» классны алды. Къууанып окъуна бердиле. Ол бизде ишлеген кезиучюкге ол «къарыусуз» класс школда бек къарыулу болду. Бирле уллу сейир этдиле. «Ой, оценкалары бош алай салып барады!» – дегенле да чыкъдыла. «Бош алай» салып бармагъанын кѳргюзтдю – жаш ачыкъ дерс берди. Университетден, райондан келгенле, школ устазла да сабийлени билимлерин кеслери тинтдиле. Ала да сорууларыны барына да «5»-ге жауап этдиле. Бир деп бир къарыусуз окъуучу табалмадыла!..

Устазлыкъ этген жашны бир уллу фахмусу барды дерча туююл эди. Жаланда сабийлени сюе эди. Кѳлюн берип ишлей эди. Ана тилге – адабиятха окъута эди.

Хоу, юйюрге тауча сѳлешмеселе – сабийни тауча окъутхан тынч туююдю. Алай... окъутургъа боллукъдю! Биз юйде не элде «немишча» сѳлешмей эдик. Школда уа дерсде сѳлешдире эдиле. Сѳлешгенде да,



Мандрыкина Екатерина



АДА КЪОНАКЪДА

алай сѐлешдирген эдиле, бизни арабыздан чыкыгъан окъуучу, артда Германиягъа барып, немислиге немис тилден дерс бере эди. Ёмюрю узакъ болсун, башы сау – Аликаланы Рашит. Немис тилден филология илмуланы доктору, профессор. Немис тил а къайда къыйынды къарачай-малкъар тилден!

Тилге юйретген устазны иши эсе – ол аны тынгылы жалчытыргъа борчлуду. Тилге юйретирге, суйдюрюрге. Болалмай эсе – сора ол аны усталыгъы туюкдю...

«Тил билмеген» сабийлени жореклери тил билирге ачылыпдыла. Хазырдыла. Жаланда ала бла ишлей билирге, аланы дунияларын сезерге – олду усталыкъ, устазлыкъ да.

Бююнню жашауда сабийни да, халкъны да аллында устазны, бютунда АНА ТИЛДЕН устазны, къаллай уллу, жауаплы иши болгъанын сезмеген адам Устаз болалмаз. Хар бирибиз аны сагъышын этерге керек сунама.

БЕГИЙЛАНЫ Абдуллах



Тѐппеланы Ауда



Суратланы МАМАЙЛАНЫ Алий алгъанды



ЁЛМЕЗЛАНЫ Мурадин

ОНЕКИНЧИ ИНГИР

САРЫ ЛЕЙЛЕК*

Къачан эсе да бирде бир жарлы сохта жашап болгъанды. Ол асыры жарлыдан, кесине шай алып да ичалмагъанды. Ашханасы болгъан бир ахшы адам анга жан аурутмаса, баям, ол ашдан ёллюк эди.

Бир кюн ол жарлы сохта ашхана-чыгъа:

– Мен кетеме. Алай ашынг, суунг ючюн санга берир ахчам жокъду. Болсада, мен хурметсиз болургъа суймейме. Ма, къара!

Алай айтып, сохта сары тытыр кесек бла ашхананы къабыргъасында сары лейлек сурат этгенди. Ким да сукъланырча ариу эди ол сурат.

– Бу бош лейлек туююлдю, ырысхы лейлекди, – дегенди сохта. Бери жыйылгъан халкъ юч кере къарс урсала, бу сары лейлек, къабыргъадан тюшюп, тепсеп башларыкъды. Алай эсингде болсун: аны бир адам ючюн тепсетме. Хайда, сау къал!

Алай айтып, жарлы сохта жолуна кетгенди.

Ашханачы, сохта жашха артыкъ ийнанмаса да, ашханагъа халкъ жыйылгъанлай:

– Эй, жамауат, юч кере къарс урчугъуз! – деп тилегенди.

Жыйыгъан халкъ къарс ургъанлай, сары лейлек, къабыргъадан тюшюп, тепсеп башлагъанды. Быллай сейирни ким кёрген эди дейсе! Халкъ сары лейлекге ауузун ачып къарай

Лейлек*- (Лилия).

эди: алай алаамат тепсей эди сары лейлек.

Лейлекни хапары төгерекеге топ атылганлай жайылганды. Энди ашхана адамдан тыгым-тыкъма болганлай тура эди. Ашханачы байыкъганды.

Кюнлени биринде ашханагъа бир бай жюйюсхан киргенди. Аны мыртазакълары ашханадагъыланы тышына кыстагандыла. Ол къара халкъ бла бирге къалай олтурур эди?!

Жюйюсхан ашханачыны аллына бохча бла бир алтын ахча салганды да:

– Тепсет лейлегинги! – деп буюрганды.

Аллай бир ахчаны кѳрген ашханачы, ахчагъамы кѳз къаратды, къоркъганмы этди, – жарлы сохтаны насийхатын унутуп, юч кере къарс урганды.

Лейлек къабыргъадан тюшгенди да, суйсюнмей тепсеп, биягъы къабыргъа сурат болуп къалганды. Жюйюсхан къычыргъан, жаныгъан да этгенди, алай лейлек къабыргъадан тюшмегенди.

Ол кече ашхананы эшигин биреу къаты къакъганды. Ашханачы эшикни ачып къараса – жарлы сохта.

Ол хуржунундан сыбызгъысын чыгъарганды да, согъуп башлагъанды. Сары лейлек къабыргъадан секирип тюшгенди да, сохта жашны ызындан кетгенди.

Андан бери ол жарлы сохта бла сары лейлекни киши да кѳрмегенди.

«Дунияда аллай сейир-алаамат зат бар эсе, ол халкъ ючюндю. Алай аны къолгъа бир адам этсе, ол тас болуп къалады», – деп, къартла айтхан алайды.





ХАННЫ КЪЫЗЫ БЕРГЕН СОРУУЛА, ЖАШНЫ ДА АНГА ЖУУАБЫ

Къыз:

– Юч зат юч зат амалтын магъанасыз болады. Ала не-диле?

Жаш:

– Ариулугъу болгъан кишини акъылы болмаса. Алим кишини амалы болмаса. Бай кишини чомартлыгъы болмаса.

Къыз:

– Мынафыкъ кишини юсюнде ненча къылыкъ бар?

Жаш:

– Юч къылыкъ барды: сёзюнде турмагъан, аманатха хыянат болгъан, айтханына табылмагъан.

Къыз:

– Эм уллу билим неди?

Жаш:

– Адам кеси айыбын билген.

Къыз:

– Жандан сыйлы зат неди?

Жаш:

– Дини бар кишиге – дин, дини жокъгъа уа – ахча.

Къыз:

– Бузулмагъан зат неди?

Жаш:

– Адамлыкъды.

Къыз:

– Атасындан уланы кючлю – ол неди?

Жаш:

– Ол – темирди. Темир – ташданды.

Къыз:

– Акъылы кеп бола баргъаны сайын, адамны неси аз бола барады?

Жаш:

– Сёзю.

Къыз:

– Душман мадарсыз болгъанда не этеди?

Жаш:

– Дослукъ излейди.

К ъ ы з:

– Эм ахшы иш неди?

Ж а ш:

– Илму окъумакъ.

К ъ ы з:

– Адамгъа илму не береди?

Ж а ш:

– Гитче боса – уллулукъ береди, жарлы эсе – бай этеди.

К ъ ы з:

– Аллахны ыразылыгъы не бла табылады?

Ж а ш:

– Ата-ананы ыразылыгъы бла.

К ъ ы з:

– Дунияда къалай туругъа керекди?

Ж а ш:

– Бир кече юйде къалып кетген жолоучу кибик.

К ъ ы з:

– Адам ненча жерде танылады?

Ж а ш:

– Юч жерде танылады: жолоучулукъда; сатыу-алыу этгенде; къоншулукъда.

К ъ ы з:

– Аман улан неге ушайды?

Ж а ш:

– Артыкъ бармакъгъа: кес-сенг, ачытады, кесмесенг, эриши болады.

К ъ ы з:

– Къарындашлыкъ не бла белгили болады?

Ж а ш:

– Къарындашыны айыбын жашыргъан бла.

К ъ ы з:

– Гюняхны дарманы неди?

Ж а ш:

– Тобагъа къайтыу.

К ъ ы з:

– Жолгъа чыкъса да, къыйынлыкъ, тарлыкъ кёрмеген ненча киши барды?

Ж а ш:

– Юч киши: ариу сёзлю, ёт-гюр, алим.

К ъ ы з:

– Малмы сыйлыды, илмуму сыйлыды?

Ж а ш:

– Илму сыйлыды: Илму урланмайды, мал урланады. Илму бергенинг сайын кёбее барады, мал азая барады.

К ъ ы з:

– Дунияны кенглиги не блады?

Ж а ш:

– Патчахны тюзлюгю бла, алимни илмусу бла, байны чомартлыгъы бла, факъырны дууасы бла.

К ъ ы з:

– Не жерде да халкъгъа кесин суйдюрген киши кимди?

Ж а ш:

– Адепли киши.

К ъ ы з:

– Саулукъдан ахшы зат неди?

Ж а ш:

– Ахшыгъа аты чыкъгъан.

Баргъаны боллукъду.



Чапайланы Сафар Ленин атлы орамда «Басманы юйюнде» ишлегенли, кѐп жыл ѳтгенди. «Нюр» журналны халал шуѳхуду, аны туудукъчугъу

Самира былтыр бизни бир конкурсу-бузда экинчи жерге чыкъгъанды. Андан бери да суратларын жибергенлей турады.



Журналны тенги **Мызыланы Борисни** устазы Алтууланы Зухрады. Устазы айтханнга кѐре, Борис иги белгиле алып окъуйду школда. Бу суратны бизге устазындан жибергенди.



Кѐк чыпчыкъ

Сабийле, кѐк чыпчыкъны юсюнден не билесиз? (Синица). Мен да сизге билгеними айтайым. Кѐк чыпчыкъла сары чыпчыкъланы юйюрлерине киредиле, ала 46 тюрлю боладыла, Европада, Азияда, Африкада, Мексикада эркин жайылыпдыла.

Къурт-къумурсха, губула, биртюркле ашайдыла. Терек дорбунлада, кеслери ишлеген уялада жашайдыла, къышда уа адам жашагъан жерлеге жуукълада тубейдиле.

8-15 жумуртхагъа гурт жатып, эки ыйыкъдан балала чыгъарадыла. Агъачлада, терек бахчалада заранлы къумурсхаланы ашайдыла эм сабанланы къоруулайдыла.

Кѐк чыпчыкъ кеси да къыш жеринде кечингенледенди. Аны себепли алагъа парклада тереклеге юйчюкле ишлеп тагъадыла. Сиз а этемисиз алай? (Скворечникле)

АЗАМАТЛАНЫ Диана.
Нальчик ш., 3-чю школ, 5 кл.





Бёзюланы Диана
 адепли ата-ананы
 кызыды. Жаш ата
 бла ана Руслан бла
 Светлана кызы-
 чыкларына ана
 тилни сөйдүрген-
 диле. Юйде да жа-
 ланда тауча сөле-
 шедиле.



Стадионда

Бир жол атам бла мен «Спартак» команда «Зенит» бла футбол ойнагъан кезиуде оюннга кьараргъа барабыз. Сейир а неведи десек, кьараучуладан бир тиширыу: «Къайсы команда хорласа, анга сөйюнчюге тауукъ берликме», – дегениди. Оюн кьазауат кыза барады. «Спартак» команда хорлап башлайды, алай «Зенит» да хорлатмазгъа кюрешеди. Не болса да, оюн «Спартак» «Зенитни» 2:1 эсеп бла хорлап бошалады. Эсеп айтылгъан кезиуде, ол тиширыу, олтургъан жеринден секирип ёрге кьопду. Сора, эки кьолун да жумдурухла этип, хауада ойната: «Спартакгъа – тауукъ, тауукъ», – деп, кычыралгъаныча кычырды.

Кьараучула уа, кими ыразы болмай, кими да аны уллу ауазы чыкыгъан жанына кьарап ышара, ол тиширыугъа бек сейир этдиле.

ТЕКУЛАНЫ Ахмат, Нальчикни 3-чю номерли школуну окъуучусу, 4 класс.



Чаналаны Динара Огъары Малкъарны Абайланы Мусосну атын жюрютген орта школуну 3 классыны окъуучусуду.



Мамайланы Альмира
 3 чю классны окъуучусуду.





Тюменланы Латифагъа

3 жыл болады. Сейирлик эсли сабийди. Аппасы бла аммасын бек сюеди. Сабий болгъанына да къарамагъанлай, окъургъа, жазаргъа да кюрешеди. Аммасы Халиматха, жаз башына атап, ма быллай ариу гюлле ишлегенди. Ол кеси да бизни белгили спортчубуз Тюменланы Альбертни къызчыгъыды. Кесингча жарыкъ болсун жашауунг дейбиз!



Ежемесячный литературно-художественный журнал для детей

«НЮР» («Свет») № 4–2020 г.

Выходит с января 1982 года

На балкарском языке

Учредитель:
Государственное казённое учреждение Кабардино-Балкарской Республики «КБР-Медиа»

И.о. главного редактора
А. А. САБАНЧИЕВА

Редколлегия:

**Л. АХАЕВА
А. БЕГШЕВ
М. БЕШПАНОВ
Т. БИТТИРОВА
Ж. ГУЗЕЕВ
А. МИШАЕВА
М. ОЛЬМЕЗОВ**

Оформление
**И. АККИЗОВОЙ
А. МИШЕВОЙ**

Компьютерный набор и верстка
А. МИШЕВОЙ

Журнал зарегистрирован
Управлением Федеральной службы по надзору в сфере связи, информационных технологий

и массовых коммуникаций по Кабардино-Балкарской Республике
Рег. ПИ № ТУ07-00124 от 11.01.2018 г.

Сдано в набор 10.03.2020 г.
Подписано в печать 06.04.2020 г.
Выход в свет 27.04.2020 г.
Формат 60x90 1/8
Уч.-изд. л. 2,7
Бумага мелованная
Гарнитура литературная
Тираж 1390 экз.
Заказ №741
Индекс П5895

Стоимость одного номера по подписке через ФГУП «Почта Россия» – 15,19 руб.; за 6 месяцев – 91,14 руб.

Адрес редакции: 360017, г. Нальчик, пр. Ленина, 5. Тел.: 42-37-27; 42-14-19. aripa.sabanchieva@mail.ru

Адрес издателя: 360017 г. Нальчик, пр. Ленина, 5. ГКУ «КБР-Медиа». Дом печати.

Отпечатано в ООО «Издательство «Южный регион», 357600, Ставропольский край, г. Ессентуки, ул. Никольская, 5а

Отпечатано в полном соответствии с качеством предоставленного электронного оригинал-макета.